

# **REFERAT AIA - Aningaasaqarnermut Inuussutissarsionermullu Ataatsimiititaq d. 03-02-2022**

**Mødedato** Torsdag d. 03. februar 2022 kl. 16:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Paamiuni meeqperiviup matoqqatinneqarallernerata sivitsorneqarnissaa.....	6
MISI-p suleriaasii nutaat pillugit ilisimatitsissut.....	9
Kommuneqarfik Sermersuumi pisinnaatitsissutinik atsiorsinnaatitaanernillu agguataarineq.....	12
Imigassanik aalakoornartulinnik sassaalliinissamut akuersissummut type B-mik qinnuteqaat.....	15
Kommuneqarfik Sermersuup piginnittuunermut periusissiaata nutarterneqarnera.....	18
ESANI A/S – taarsigassarsiniarnermut atatillugu kommunip piginneqataassutaanik qularnaveeqqus	21
Kiffartuussinermi isumaqatigiissut DEG (Destination East Greenlandip).....	25
Ukiumoortumik naatsorsuutit 2020 – Naatsorsuutit inaarneqarneri kukkunersuiusut oqaaseqaataanni	29
Kapisilinni Nuna eqqissisimatitaaq.....	33
Inissianik ineriartortitsinissaq, Ningitsivik, Nuuk.....	36
Qeqertarsuatsiaani aalisakkanut fabrikkiornissaq.....	39
Kommunimut pilersaarummut tapiliussamut siunnersuut 1C30-4 Tuujuk, Nuuk.....	43
Sanaartornermut aningaasaliissutiniit sanaartornermut aningaasaliissutinut allanut nuussineq.....	46
Lukket.....	50
Lukket.....	51
Lukket.....	52
Lukket.....	53
Lukket.....	54
Lukket.....	55
Tamalaat.....	56
Imaqarniliap akuerineqarnera.....	57

## **Punkt .: Saqqaa**

### **Ilaasortat**

Charlotte Ludvigsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Ken Madsen (N)

Inga Dora G. Markussen (S)

Dorthe-Marie Mogensen-Fontain (S)

### **Beslutning**

Ataatsimeeqataasut:

Charlotte Ludvigsen (IA)

Juaaka Lyberth (IA)

Uju Petersen (IA)

Justus Hansen (D)

Inga Dora G. Markussen (S)

Attaveqaatitigut peqataavoq:

Ken Madsen (N)

Dorthe-Marie Mogensen-Fontain (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

# Punkt .: Nalunaarutit

## Beslutning

Siulittaasumit:

### Sap. Ak. 51:

**21. december:** Nunaqarfinni Aqutsisut siulittaasui ataatsimeeqatigineqarput.

**22. december:** Peqqinnissamut Naalakkersuisoq Kirsten Fencker, aamma Nunatsinni Nakorsaaneq Henrik Hansen ataatsimeeqatigineqarput.

### Sap. Ak. 52:

**28. december:** Maligassiuisunik nersorinnineq nuannerluinnartumik ingerlanneqarpoq.

### Sap. Ak. 3:

**20. januar:** UNESCO-p allattorsimaffianut Qilaatip ilanngunneqarnera pillugu Varna M. Nielsenimik ataatsimeeqateqarneq. Taassuma siunertaraa; sukumiisumik misissuinermik, ineriartortitsinermik pikkorissaanermillu ingerlatsisarnissamik siunnerfeqarluni ingerlatsilerusulluni. Naalakkersuisoq Peter Olsen, aamma Nunatta Katersungaasivia ataatsimeeqatigereersimagai ilanngullugit ilisimatitsissutigai.

### Sap. Ak. 4:

**24. januar:** Najukkami ataatsimiisitanut ilaasortat tamarmik ataatsimeeqatigineqartussaagalarput, kisiannili Covid-19 peqqutaalluni ataatsimiinneq 10. februarimut kinguartinneqarpoq. Ukioq manna Najukkami ataatsimiisitamut aningaasat qinnutigineqarsimasut; Anne-Birthe Hovep suliaanik februaarip qaammataani saqqummersitsinissamut, aamma ulluni 3.-6 marts Nuuk Snowfestivalimik ingerlataqarnissamut suliaqartussat akuerineqarput. Tapiissutissanut akuersinermi tunngavilersuutigineqarput, Najukkami Ataatsimiisitap isumaqatigiissutitut aningaasaliissutaasuniimmat aamma taakkorpiaat siornatigut aningaasaliiffigineqareernikummata. Februaarip qaammataani Najukkami Ataatsimiisitap aningaasaliissutaasimasut sukumiinerusumik akuersissutigineqaqullugu AIA-mut martsip qaammataani saqqummiunneqassapput.

**26. januar:** Kommuneqarfik Sermersuumi innuttaasunut inissiassaaleqineq pillugu, Ineqarnermut Attaveqaasersuutinullu Naalakkersuisoq, Mariane Paviaasen ataatsimeeqatigineqarpoq.

**27. januar:** Borgmesterit ataatsimeeqatigiinnerat. Pingaarnertut Covid-19 pillugu killiffik, aamma Namm. Oqartussat inissiaataannik kommunenut nuussuiniarnerat eqqartorneqarput.

### Sapaatip Akunnerani 6-mi pisussa:

**8. februar:** Aalisarnek tassungalu tunngasut pillugit suleqatigiisitap NAPP Neqitarlu ataatsimeeqatigineqassapput.

# **Punkt 1: Paamiuni meeqqeriviup matoqqatinneqarallarnerata sivitsorneqarnissaa**

## **Beslutning**

Ilisimatitsissut tusaatissatut tiguneqarpoq.



## Paamiuni meeqqeriviup matoqqatinneqarallannerata sivitsorneqarnissaa

Ilisimatitsissut

SagsID.: EMN-2021-16765

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### Suliamik saqqummiussineq

Meeqqerivik Mike Paamiuniittoq meeqqanut 3-nit 6-inut ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. 2021-mi aggustimi Kommunalbestyrelse meeqqerivimmi ininik matusigallarnissaq pillugu aalajangiivoq, meeqqat nalunaarsimasut 43-t kisimik nalunaarsimammata. Imatut aaqqiissuteqartoqarallarpoq, piffissami 1/9 - 31/12 2021-mut meeqqat 3-t aamma 6-it akornanni ukiullit 51-it inissaqartinneqarlutik. Meeqqat ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerat sulisunut 12-inut appartinneqassaaq, aqutsisoq ilanngullugu.

Decembarimi 2021-mi nalilersuineri kommunip perorsaaneramik siunnersortai Paamiuni meeqqeriviit marluk suleqatigalugit paasivaat meeqqat Mike-mi allatsissimasut marsip tungaanut 49-50-iussasut. Tamanna Winformatikkimmi paasissutissanik tunuliaquteqarpoq aamma aqutsisut Paamiunut Paamiuniillu nuuttartut pillugit ilisimasaannit.

Taamaattumik meeqqanut 66-inut inissaqaqqaarneranut uternissaq pisariaqanngilaq, taamaattumillu inip aappaanik matusigallarneq qaammatini suli pingasuni atuutissasoq kissaatigineqarpoq.

### Ingerlatsivimmit aningaasatigut sulisoqarnikkullu naliliinerit

Meeqqerivimmiinnaasut naleqqussarneqarallannerannut atatillugu sulisullu 1. januaarimiit 1. aprili 2022-p tungaanut pingasunik ikilineqarnissaat pillugu akissarsiasannut aningaasartuutitut sipaarutissat isumaqatigiissutit atuuttut malillugit imaalissapput: 184.289,07 kr.

Massakkut isertitassanik annaasaqartoqanngilaq, akiliutaasunik, meeqqanik meeqqerivimmi inissamut allatsittoqarsimannigimmat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviumik uppersaatitalit

- o Meeqqanut suli atualinngitsunut perorsaannikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- o Kalaallit Nunaanni ulluunerani aamma ulloq unnuarlu paaqqinniffinni perorsaasutut sulisut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi isumaqatigiissutaat



- Ilinniarsimasut ilinniarsimangitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma Sulinermik Inuussutissarsiuteqartut Kattuffiata isumaqatigiissutaat 2. decembari 2019-imeersoq

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 21.01.22:*

Ilisimatitsissut tusaatissatut tiguneqarpoq.

### **Ilanngussaq**

Soqanngilaq.

## **Punkt 2: MISI-p suleriaasii nutaat pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

## **MISI-p suleriaasii nutaat pillugit ilisimatitsissut**

Ilisimatitsissut

SagsID.: EMN-2020-02713

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

### **Suliamik saqqummiussineq**

2021-mi sapaatip akunneranni 16-imi Meeqqanut Atuarfeqarnermullu Ingerlatsivik seminarimik aaqqissuivoq, tassani immikkut Meeqqat atuarfianni immikkut atuartsineq aamma allamik immikkut ittumik perorsaaniclut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq sammeneqarpoq. Tassani Kommuneqarfik Sermersuumi illoqarfinni tamani Atuarfinni aqutsisut, Ilinniartitsisunut siunnersortit aamma immikkut klassini ilinniartitsisut peqataapput, kiisalu Atuarfeqarnermut immikkoortoqarfik aamma MISI. Ilinniartitaanermut aqutsisoqarfik aamma seminareqarnermut takkupperoq nalunaarut pillugu saqqummiilluni.

MISI piffissap ingerlanerani illup iluani suleriaatsinik allannguerusussimavoq, atuisut sullinneqarneri pitsaanerulersikkumallugu, annerusumillu taakkuupput Kommuneqarfik Sermersuumi atuarfiit, ulluuneranilu paaqqinnittarfiit.

MISI-p tunngaviummik pingaarnertut suliaasarivaa Perorsaaniclut tarnillu pissusiinik siunnersuisarneq, meeqqat inuusuttullu ilikkarsinnaaneramik, ineriartornissaannik aamma avatangiisiminnit pissutsimikkut inuunerissaarnissamik tapersersuinikkut pitsaanerulersitsisumik. MISI-p suliaasai pingaarnertut tulluuttunullu immikkoortiterlugit maanna agguataarneqarput:

### ***Suliasat pingaarnertut***

- Perorsaaneq tarnillu pissusii pillugit siunnersuineq, tassani MISI-p pitsaaliuineramik suliat pingaartinnerullugit sulerusupperoq, Kommuneqarfik Sermersuumi atuarfiit ulluuneranilu paaqqinnittarfiit perorsaaneq siunnersuinerlu eqqarsaatigalugit siunnersuilluni, assigiinngitsunik suliallit aqusaarlugit perorsaaneq eqqarsaatigalugu suliap ingerlanneqarnera pingaartillugu ikiuilluni.
- Perorsaaniclut tarnip pissusiinik naliliinerit (PPV). PPV meeqqap atugarisaanik pisariaqartitaanillu kiisalu meeqqap avatangiiserisaminut tunngatillugu peqateqarnerminut atugarisaanik pisariaqartitaanullu tunngasunik imaqqarpoq.
- Ilinniartitsisunut aamma perorsaaneramik sulialinnut supervision, siunnersuineq ilitsersuinerlu

### ***Suliasat tullii***

- Sivikinnerusumik ingerlanneqartumik angajoqqaanik siunnersuineq (ullormi siullermi siunnersuinermit qaammatit pingasut angullugit ingerlaneranni oqaloqatigiinnerit 1-4-t). Suli iliuuseqartoqarnissaanik pisariaqartitsisoqarnera takuneqarsinnaappat, taava MISI susassaqqartunut allanut attaveqartitsisinnaavoq soorlu Meeqqanut Ilaqutariinnullu Ingerlatsivimmut, atuarfimmuut imaluunniit ulluunerani paaqqinnittarfimmuut.

- Angajoqqaanut siusinnerusukkut sisamanngornikkut nal. 13-15 akornanni MISI-mi "ammasumik siunnersuinnermut" saaffiginninnissaq periarfissaasimagaluarpoq. Tamanna "ammasumik saaffiginninnermut" allannortinneqarpoq, tassani saaffiginnittoq MISI-mit saaffiginninnermi immersugassamik ikiorneqartarpoq. Tamatuma kingornatigut meeqqap atuarfianik ulluuneraniluunniit paaqqinnittarfianik sullissisup angajoqqaatut oqartussaassuseqartoq attavigissavaa.
- Saqqummiineq, suliniummik suliaqarneq il.il.

Nutaartaasoq tassaavoq MISI-mi sulisut TEAMS-inut agguataarneqarnerat, taakku immikkut atuarfimmu arlalinnuunniit akisussaaffilerneqarlutik. Tassunga atatillugu qaammatikkuutaartumik Atuarfiup pisortaa Ilinniartitsisorlu siunnersuisartoq ataatsimeeqatigisarnissaat isumaqatigiissutigineqartassaaq, taakkua suliassat sorliit MISI-mit salliunneqarnissaannik eqqartuinissaminnut periarfissaqarput. Suleriaatsimut nutaamut atuarfiit toqqaannarnerusumik qaninnerusumillu attaveqarfigilernissaat pissutaavoq. Aamma atuarfiit saaffiginnissuteqannginnerminni aamma MISI-mut inneresuussinnginnerminni namminneerlutik pitsaaliuinnermik sulisinnaanerminnut piginnaanngorsarneqarnissaat pineqarpoq. Taamatut ilusiliineq siusinnerusumut sanilliullugu aqutsisunik akuutitsinerulissaaq aamma atuarfinni aqutsisunik suleqateqarnerulersitsilluni, tamatumalu kingunerissavaa suut naatsorsuutigineqarnerinik nallersuussisoqarsinnaalernissaa aamma MISI-p inneresuussutigisaasa ajornannginnerusumik atuutilersinneqarsinnaaneri. Taamatut nutaamik suleriaaseqalerneq MISI-mi suliat assigiinngitsut aqqusaarlugit sulianik pitsaaliuinnermillu sulianik annertuumik pitsanngorsaassasoq.

#### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

#### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaaitallit**

- o Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaat nr. 16, 3. decembari 2012-imeersoq: § 5, imm. 3, nr. 4
- o Atuarfik pillugu Inatsisartut inatsisissaat nr. 15, 3. decembari 2012-imeersoq: §38, nr. §4
- o Meeqqat atuarfianni immikkut atuartsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq

#### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 21.01.22:*

Ilisimatitsissut tusaatissatut tiguneqarpoq.

#### **Ilanngussat**

Soqanngilaq.

## **Punkt 3: Kommuneqarfik Sermersuumi pisinnaatitsissutini atsiorsinnaatitaanernillu agguataarineq**

### **Beslutning**

Inassuteqaat akuersissutigineqarpoq.

### **Bilag**

Kommuneqarfik Sermersuumi Piginnaatitsinermik agguataarinissamut pilersaarut januaari 2022-meersoq

Kommuneqarfik Sermersuumi atsiorsinnaatitaanermut piginnaatitsinerit

## **Kommuneqarfik Sermersuumi pisinnaatitsissutini atsiorsinnaatitaanernillu agguataarineq**

Pisinnaatitsissutini pilersaarutip atsiorsinnaatitaanermullu malittarisassanik nutarterineq

Aalajangiiffigisassaq

SagsID.: EMN-2022-00618

Suliffeqarfimmik Kiffartuussivik – vicekommunaldirektøri Marie Fleischer / MAFL

### **Inassuteqaat**

Suliffeqarfimmik Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Kommuneqarfik Sermersuumut piginnaatitsinermik agguataarinissamat pilersaarut nutartigaq akuerineqassasoq
- Kommuneqarfik Sermersuumi atsiorsinnaatitaanermut periusissaq nutaaq akuersissutigineqassasoq, *Atsiorsinnaatitaanermut pisinnaatitaaffiit* pillugit allakkami allaaserineqarneratut
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliamik saqqummiussineq**

Suliffeqarfimmik Kiffartuussiviup Kommuneqarfik Sermersuumi Piginnaatitsinermik agguataarinerup nutarterneqarnissaa pisariaqalersutut nalilerpaa.

Piginnaatitsinermik agguataarinissamat pilersaarummi tamanut atuuttussami takuneqarsinnaavoq, aalajangiisinaanermut piginnaatitsissutit Kommunalbestyrelsip, ataatsimiitit allaffeqarfiullu akornanni qanoq agguataarneqarsimanersut. Piginnaatitsinermik agguataarinissamat pilersaarummi ingerlatsivinni tamani qinikkanik sullissinerup assigiissarnissaata malinnaaffigilluarnissaa qulakkeerneqassaaq, aammalu suliani ataasiakkaani kikkut aalajangiinissamat piginnaatitaanerinik nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinissamat pilersaarut kingullermik nutarterneqarpoq kommunalbestyrelsip nutaap juuni 2021-imi inissitsiterluni ataatsimiinneranut atatillugu.

Allaffissornermi suleriaatsit sukaterneqarnissaa kissaatigineqarnikuvoq, aammalu politikerit allaffeqarfiullu akornanni piginnaatitsinermi qaffasissutsip eqqortuunissaa qulakkeerneqassasoq. Taamaattumik piginnaatitsinermik agguataarinissamik pilersaarut ingerlatsivinni ataatsimiititanilu susassaqtuni suliarineqartarsimavoq. Piginnaatitsinermik agguataarinissamat pilersaarummi allannguutit tabel 1-mi takuneqarsinnaapput, aammalu ilangussaq 1-imi nalunaaqutsigaallutik.

Suliffeqarfimmik Kiffartuussivik tamatuma saniatigut Kommuneqarfik Sermersuumi atsiorsinnaatitaanermut piginnaatitsinermik pilersaarummik suliaqarpoq. Atsiorsinnaatitaanermut piginnaatitsinermik pilersaarummi nassuiaatigineqarpoq isumaqatigiissuteqarnermi atsiogatigiinnermilu kikkut atsiorsinnaatitaanersut.

Atsiorsinnaatitaanermut piginnaatitsinermik pilersaarummi siunertarineqarpoq qulakkiissallugu, isumaqatigiissutit atsiogatigiissutillu, aningaasatigut aamma/imaluunniit inatsisitigut kommunimi

pituttorsimasut aaqjissuussinermi qaffasissutsimi eqqortumi aalajangiiffigineqarsimanissaat isumaqatigiissuteqarfigisimanissaallu. Taamaasilluni allaffeqarfimmi paasilluarneqarniassammat, isumaqatigiissut atsioqatigiissullu qaqugukkut politikikkut suliarineqassanersoq, aammalu qaqugu aalajangiiffigineqassanersoq taavalu pisortamit fagchefimillu atsiorneqassanersoq.

### **Ingerlatsivimmit aningaasatigut sulisoqarnikkullu naliliinerit**

Piginnaatitsinermik agguataarinissamut pilersaarutip nutartikkap atsiorsinnaatitaanermullu piginnaatitsinissamik pilersaarutip nutaap qulakkiissavaat, pisortat fagchefillu siunissami isumaqatigiissuteqarlutillu atsioqatigiissuteqartassasut, sivilisuumik aningaasatigut inatsisitigullu kommunimut atuuttussanik, tamassuma siornagut politikikkut suliarineqanngikkaluartunik.

Allaffeqarfimmut malittarisassat nutaat qulakkeertariaqarpaat kommunimi missingersuutit atuinerullu ammanerunissaat, peqatigitillugulu pilersinneqassalluni aningaasaqarnerup pitsaaneruumik malinnaaffigineqarnissaa aqunneqarnissaalu - allaffissornikkut politikikkullu.

### **Suliffeqarfimmik Kiffartuussivimmit aningaasatigut naliliineq**

Qulaani oqaaseqaammi allassimavoq.

### **Inatsisitigut tunngavissaq allakkallu tunngaviusumik uppersaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumut piginnaatitsinermik agguataarinissamut pilersaarut

### **Ilanngussaq**

1. Kommuneqarfik Sermersuumi Piginnaatitsinermik agguataarinissamut pilersaarut januaari 2022-meersoq
2. Kommuneqarfik Sermersuumi atsiorsinnaatitaanermut piginnaatitsinerit

## **Punkt 4: Imigassanik aalakoornartulinnik sassaallinissamut akuersissummut type B-mik qinnuteqaat**

### **Beslutning**

Inassuteqaat akuersissutigineqarpoq.

## Imigassanik aalakoornartulinnik sassaallinissamut akuersissummut type B-mik qinnuteqaat

Aalajangiiffigisassaq

SagsID.: EMN-2022-00329

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamut inassuteqaatigaa:

- Qulutius Events, Qulutaq Rosing Kleemann, Nuukullaq 1, 103, 3900 Nuuk, imigassanik aalakoornartulinnik sassaallinissamut akuersissut type B pillugu qinnuteqaat akuersissutigineqassasoq

### Suliassamik saqqummiussineq

Suliffeqarfimmut Kiffartuussivimmit Qulutius Events, Nuukullaq 1, 103, 3900 Nuuk Qulutaq Rosing Kleemann-mit imigassamik aalakoornartortalimmik type B-mik imigassanik aalakoornartulinnik sassaallinissamut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasisutissat tamarnik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik aammalu Suliffeqarfimmut Kiffartuussivik, Peqqinnermut Sammisassaqaartitsinermullu Immikkoortortaqaarfik tusarniaassutigineqarpoq, tamannalu oqaaseqaateqarfineqarsimanngilaq.

Suliffeqarfimmut Kiffartuussivimmit Qulutius Events imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttussanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermi tulliuttut tunngavigineqartarput:

- Suliffeqarfinni kantiinat imigassaqaarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Suliali ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersarusiorneqarnera naapertorlugu itigartissallugit nalunaarfigisinnaavai

- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaangtagigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

Imigassamik sassaakkersinnaanermut akuersissummut paasissutissat tamarmik Suliffeqarfimmut Kiffartuussivimmit pissarsiarineqareerput. Suliffeqarfimmut Kiffartuussivimmit Qulutius Events imigassanik aalakoornartortalimmik sassaallersinnaanermut akuersissumik tunineqarnissaanut piunasaqaatinik naammassinnittutut nalilerneqarpoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

### **Suliffeqarfimmut Kiffartuussivimmit aningaasatigut naliliineq**

Pingaaruteqanngilaq.

### **Inatsisitigut tunngavissaq allakkallu tunngaviusumik uppersaataitallit**

- Inatsisartut Inatsisaat nr. 35, 23. november 2017-imeersoq
- Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- Inuit imigassanik aalakoornartulinnik nioqquteqartarfiit sassaallertarfiillu aaqjissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq
- Imigassaq pillugu politikki, Kommuneqarfik Sermersooq, oktobari 2020

### **Ilangussat**

Soqanngilaq.

## **Punkt 5: Kommuneqarfik Sermersuup piginnittuunermut periusissiaata nutarterneqarnera**

### **Beslutning**

Inassuteqaat akuersissutigineqarpoq, imatut oqaaseqaatitalerlugu: CSR-mut tunngatillugu misissuinerit suliap ingerlanneqarnerani aamma ilanngunneqassapput.

### **Bilag**

Nassuiaat – ingerlatseqatigiiffinit neqeroornermut politikki



## Kommuneqarfik Sermersuup piginnittuunermut periusissiaata nutarterneqarnera

Aalajangiiffigisassaq

SagsID.: EMN-2021-16946

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ingerlatsiviup Kommuneqarfik Sermersuumi nutaamik piginnittuunermut periusissialiornissamat aallartisarnissaa akuersissutigineqassasoq

### Suliamik saqqummiussineq

Matumani ilanngussaq piginnittuunermut periusissiaq pillugu politikkerimit siunnersuut Aningaasaqarnermut Inuussutissarsiornermullu Ataatsimiititap decembarip ulluisa 20-anni ataatsimiinnerani oqaluuserineqarpoq, aalajangerneqarlunilu Kommunimi ingerlatseqatigiiffinnit neqeroornermut politikki pillugu najoqqutassamat paasisutissanik pissarsisimaleripaat immikkoortoq oqaluuserineqarpoq. NCD aamma Iserit sulianut annertunerusunut neqeroorutinut tunngasut isumagisarpaat, taamaattorli neqeroortarnermut najoqqutassamik politikkeqarani. Nuup Bussii 1.500.000 kr.-nit annertunerit pineqartillugit aamma neqeroortitsineq isumagisarpaa, tamannali ataasiaannarluni pinikuuvoq, Nuup Bussiisami ingerlatseqatigiiffittut annertussusaa tassani apeqqutaasarmat. Ingerlatseqatigiiffinnit neqeroornermut politikki pillugu itisilerlugu nassuarneqarneranut ilanngussaq 1 innersuussutigineqarpoq. Ingerlatsiviup nalilerpaa, kommunip ingerlatseqatigiiffii immikkut tamarmik ingerlatseqatigiiffiup siunertaa naapertorlugu neqeroortitsinermik akisussaassuseqartumik aningaasaqarnikkullu akisussaassuseqartumik ingerlatsinissamik periusissaliussasut.

Kommuneqarfik Sermersuup maannakkut piginnittuunermut periusissiaa 2016-imeersuuvoq, tassanilu NCD-mut imaluunniit ESANImut tunngasunik aalajangersagaqanngilaq. Tamanna tunngavigalugu pitsaassaaq, Kommuneqarfik Sermersuumi piginnittuunermut periusissiasamik nutaamik suliaqarluni aallartinnissaq. Piginnittuunermut periusissiaq nutaaq ingerlatseqatigiiffimmik aqutsineq pillugu nunat tamalaat akornanni najoqqutassanut naapertuuttariaqarpoq, assersuutigalugu nunat tamalaat akornanni suliffeqarfinnik ingerlatsinermi najoqqutassanut (OECDs guidelines) taamatullu Naalakkersuisut ingerlatseqatigiiffinnik piginnittut periaasiannut.

Alloriarnermut tulliusalluni Sermersuumi Inuussutissarsiornermut immikkoortorta q piginnittuunermut periusissialiornissamat pilersaarusiornissaa, tamatumalu kingorna suliaq ingerlanneqassalluni taavalu piginnittuunermut periusissiaq nutaaq politikikkut aalajangiiffigisassanngorlugu saqqummiunneqarluni. Ingerlatseqatigiiffiit aamma Aningaasaqarnermut Inuussutissarsiornermullu Ataatsimiititaq suliamut akuutinneqarumaartut naatsorsutigineqarpoq. Suliniutip 2022-p ingerlanerani naammassineqarnissaa naatsorsutigineqarpoq.

### Ingerlatsivimmit aningaasatigut sulisoqarnikkullu naliliinerit

Ingerlatsiviup nalilerpaa, suliaq Sermersuumi Inuussutissarsiornermut immikkoortorta q sulisoqarnikkut missingersuutitigullu maannakkut atugassaanit matussuserneqarsinnaassasoq.

### Suliffeqarfimmut Kiffartuussivimmit aningaasatigut nalilii neq

Pisariaqanngilaq.



## **Inatsisitigut tunngavissaq allakkallu tunngaviusumik uppersaattallit**

- Kommuneqarfik Sermersuup piginnittuunermut periusissiaa

### **Ilangussaq**

1. Nassuiaat – ingerlatseqatigiiffinit neqeroornermut politikki

## **Punkt 6: ESANI A/S – taarsigassarsiniarnermut atatillugu kommunip piginneqataassutaanik qularnaveeqqusiissuteqarneq**

### **Beslutning**

Inassuteqaat akuersissutigineqarpoq.

### **Bilag**

ESANI´mik kommuninut piginnittunut nassuiaat

Godkendelse fra Selvstyret.pdf

## ESANI A/S – taarsigassarsiniarnermut atatillugu kommunip piginneqataassutaanik qularnaveeqqusiissuteqarneq

Aalajangiiffigisassaq

SagsID: EMN-2022-00358

Suliffeqarfimmut Kiffartuussivik - kommunaldirektør Ole Jakobsen / OJAK

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunip ESANI A/S´imi piginneqataassutini taarsigassarsiniarnissamut atatillugu qularnaveeqqusiissutigissagai

### Suliassamik saqqummiussineq

Suliassamik saqqummiussissummi matumani kommunip ESANI A/S´imi piginneqataassutaanik kommunip qularnaveeqqusiissuteqarnissaa pineqarpoq. Kisianni piumasaqaatit ataasiakkaat, ESANI A/S´imik piginnittunut tunngasut, taamaattumillu ESANI A/S´imi piginnittunit akuersissutaasussaapput. Piginnittut kommuninit piginnittunit politikikkut aalajangiisartunit oqartussaaffigineqarput

Esani´p aamma Grønlandsbanken´ip aamma BankNordik´ip akornanni aningaaserivinnut isumaqatigiissutaannut piumasaqaatit, kiisalu byggekredit´ip aamma realkreditlån´ip Nykredit´imit taarsigassarsitiisinissamut neriorsuutaannut piumasaqaatit

Grønlandsbanken´imit aamma BankNordik´imit sanaartornermut atasumik taarsigassarsinissamut aningaaserivinnut isumaqatigiissutitavianut atasumik piumasaqaatit ilanngussaq 1-imi takuneqarsinnaapput, aammalu ilanngussaq 2-mi takuneqarsinnaallutik taarsigassarsitiisinissamut neriorsuutit inuussutissarsiornermut realkredit-imiillu taarsigassarsinissamut neriorsuutit piumasaqaatitai ilanngullugit.

*Sanaartugassanut atasumik Grønlandsbanken´imik aamma BankNordik´mik isumaqatigiissutini piumasaqaataavoq, malitsigisaanik piginnittup piumasaqaatit akuerissagai, aammalu ESANI A/S sanaartornermut atasumik taarsigassarsianik atuissanngitsoq, piginnittut piumasaqaatinik akuersisimatinnagit.*

ESANI A/S´imik piginnittut akuersinissaannik pisariaqartitsinermik piumasaqaatit, Grønlandsbanken´imik aamma BankNordik´imik sanaartornermut tunngasunut isumaqatigiissummut ilaatinneqartut, aammalu erhvervslån´imut aamma realkredit´imut Grønlandsbanken´imik, BankNordik´imik aamma Nykredit´imik taarsigassarsinissamut neriorsuutit piumasaqaatit imaapput:

- *Esani´mi piginneqataassutitut pigisat aammalu chains of control – kommunit piginnittuunertik 100%-mik aalajangiusimassavaat - kommunit tallimaat ilanngussinnaavoq.*
- *Piginneqataassuteqarniarnermi aamma ilaavoq piginneqataassuteqarnermit taasisinnaatitaaneq.*
- *Esani A/S´imit iluanaarutit aatsaat Nykredit´imit, BankNordik´imit aammalu Grønlandsbank´imit atsiukkamik akuersisoqareerneratigut akuersissutigineqarsinnaapput.*

Piginnittut atuisinnaatitaanerat pillugu aningaaseriviit piviusunngortitsinissaannut piunasaqaatinut inatsit

Ulloq 16.12.2021 Naalakkersuisut kommuninit piginnittunut tamanut nalunaarutigaa piginneqatigiissutsiminnik ESANI A/S´imut Ingerlatseqatigiiffimmut qularnaveeqquseeqqullugit, Missingersuusiornermut Naatsorsuuserinermullu inatsit tunngavigalugu.

ESANI A/S sanaartornissamat tunngasumik Grønlandsbanken´imik aamma BankNordik´imik isumaqatigiissutiminik atuisinnaangussaguni, kingusinnerusukkullu taassuminnga aningaaserivinnut taakkununga erhvervslån´imut nuutitsissaguni, aamma byggekredit aamma realkredit Nykredit´imik taarsigassarsiffigissaguniuk taamaalilluni piginnittut peqataatinneqartariaqarput. *Piunasaqaatit qulaani taaneqartut akuersissutigineqarnissaannut piginnittut akuersinissaat pisariaqarpoq, ESANI´mi piginnittunit taamaallaat pisariaqartinneqartut.*

kommuninit piginnittut iliuuseqarneri

ESANI´p Suleriaasianut, taamaasillunilu Esani´p aamma aningaaseriviit pilersuisullu imminnut attuumassuteqarnerini pingaaruteqarluinnarpoq, piginnittut 2022-mi imminut tunngasunik isummernissaat. ESANI A/S ingerlatseqatigiiffiup tungaaniit iliuuseqareerpoq, piginnittullu isummertinnagit ingerlariaqqissinnaanani.

Aalajangiisoqannginneq, imaluunniit akuersissuteqannginneq ESANI´p Suleriaasianik ajornartoortsissaaq, ajornerpaajussappallu imaassinnaalluni, ESANI ingerlatseqatigiiffik piginnittuminit pilersinneqarmat siunertamisut suliassaminik, ESANI´p ingerlatsinermut isumaqatigiissutit naapertorlugit piginnittuminut pisussaaffimminik, minnerunngitsumillu Nukissiorfiit tungaannut siunissami pisussaaffimminut, 600 mio. kr.-nik ukiut 30-t sinnerlugit nalilinnik ungasissumit kiassarnermik pilersuinissamat isumaqatigiissuteqarfisaminik ingerlatseqqissinnaajunnaarneranik kinguneqarsinnaavoq.

Isumaqatigiissutaareersut tamakkua ESANI A/S´imut kommuninillu piginnittunut pisussaaffiliipput isumaqatigiissutinik piviusunngortitsinissamat.

Piginnittup ataatsip piginnittut taarsigassarsiniarneranni piunasaqaatinut tunngasunik akuersippata kingunerissavaa, piginnittup nammeneq piginneqataassutiminik 500.000 kr.-nik aningaaserivinnut qularnaveeqqusiinissaa. Eqqarsaatigineqarsinnaangitsumik pisoqartillugu, ESANI akiliisinnaajunnaassagaluarpat, taamaasillutik piginnittut ataasiakkaat 500.000 kr.-nik annaasaqassapput. Piginnittut ataasiakkaat aamma tamarmik immikkut 10 mio kr.-nik ESANI A/S-mut akisussaasutut taarsigassarsiaqareermata, piginnittut ataasiakkaat aamma eqqarsaatigineqarsinnaangitsumik akiliisinnaajunnaartoqassappat aningaasat amerlaqataannik annaasaqassapput. Aarlerinarneq kingulleq annertunerujussuanguusaaq, kommuninit piginnittut taarsigassarsiaqarnermi piunasaqaatinik akuersissuteqanngippata.

*Naatsumik oqaatigalugu piginnittut qulaani taaneqartut nalaassinnaavaat ESANI A/S´ip, kommuninit piginnittut, Namminersorlutik Oqartussat kiisalu piginnittut tamarmik immikkut 10 mio kr.-nik taarsigassarsiarisimasaat, piunasaqaatigineqartut piginnittunit akuersissutigineqanngippata.*

Akerlianik ESANI A/S´ip kommuniniut piginnittuminut innersuussutigissavaa, piginnittunut piunasaqaatit qulaani taaneqartut piginnittut akuersaassagaat, taamaasilluni ESANI A/S pilersaarutit malillugit suliassaminik nangittumik ingerlatitseqqissinnaaniassamat. Aningaasat eqqarsaatigalugit piginnittut, piginneqataassutitut pigisaminnit tamarmik immikkut qularnaveeqqusiutigissavaat 0,5 mio. kr.-it, ikuallaaviillu ingerlanneqalereerpata, aningaaseriviit peqatigalugit iluunaarutinut tunngasumik illersorneqarsinnaasumik politikkilliorlutik.

**Ingerlatsivimmit aningaasatigut sulisoqarnikkullu naliliinerit**

Piginnittup ataatsip piginnittut taarsigassarsiniarneranni piunasaqaatinut tunngasunik akuersippat kingunerissavaa, piginnittup nammeneq piginneqataassutiminik 500.000 kr.-nik aningaaserivinnut

qularnaveeqqusiinissaa. Eqqarsaatigineqarsinnaanngitsumik pisoqartillugu, ESANI akiliisinnaajunnaassagaluarpat, taamaasillutik piginnittut ataasiakkaat 500.000 kr.-nik annaasaqassapput. Piginnittut ataasiakkaat aamma tamarmik immikkut 10 mio kr.-nik ESANI A/S-mut akisussaasutut taarsigassarsiaqareermata, piginnittut ataasiakkaat aamma eqqarsaatigineqarsinnaanngitsumik akiliisinnaajunnaartoqassappat aningaasat amerlaqataannik annaasaqassapput. Aarlerinarneq kingulleq annertunerujussuannigussaaq, kommunit piginnittut taarsigassarsiaqarnemi piumasaqaatinik akuersissuteqanngippata.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaaitallit**

- Kommunit piginnittut aamma ESANI A/S'ip akornanni piginnittuunermut isumaqatigiissut
- Styrelsesloven
- Kommunens styrelsesvedtægt

### **Ilanngussat**

1. ESANI´mik kommuninut piginnittunut nassuiaat
2. Namminersorlutik Oqartussanit akuersissut

## **Punkt 7: Kiffartuussinermi isumaqatigiissut DEG (Destination East Greenlandip)**

### **Beslutning**

Justus Hansen (D) suliamut attuumavallaarluni ataatsimiittarfimmit anigallarpoq.

Inassuteqaat akuersissutigineqarpoq.

### **Bilag**

2021-mut DEG-p Kiffartuussinissamik isumaqatigiissutissatut qinnuteqaataa INAARUTAASOQ

Kiffartuussinissamik isumaqatigiissut atsiugaq DEG 2021

DEG-mut 2021 Kiffartuussinissamik isumaqatigiissummut takussutissiaq

2020 ukiumut nalunaarusiaq

Atorunnaarsitsinissamut qinnuteqaat

## Kiffartuussinermi isumaqatigiissut DEG (Destination East Greenlandip)

Aalajangiiffigisassaq

SagsID.: EMN-2022-00340

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- akuersissutigineqassasoq, aningaasat 573.000 kr.-nit, 2022-mut missingersuutitut Destination East Greenland-imut kiffartuussinissamik isumaqatigiissuteqarnermut immikkoortinneqartut, Tunumi Sermersuumi Inuussutissarsiornermut immikkoortortamit takornariaqarnermi ineriartortitsinermit atorineqassasut
- akuersissutigineqassasoq, Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit tamaani inuussutissarsiutillit suleqatigalugit Tunumi Destination Management Organisation DMO-p (Destination Management Organisation) ingerlannissaanut nutaamik ilusilersuissasut
- Destination East Greenland-imit kiffartuussinissamik isumaqatigiissutitut siunnersuut ilanngussaq 1-imiittoq itigartitsissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliamik saqqummiussineq

Ulloq 20. decembari 2021-mi Aningaasaateqarfik Destination East Greenland mailikkut ingerlatsivimmut nalunaaruteqarpoq aningaasaateqarfik atorunnaassasoq Civilstyrelsen-imut qinnuteqaatigisimallugu siulersuisullu taamaalillutik aningaasaateqarfiup matunissaa pillugu aalajangerput. Aningaasaateqarfiup atorunnaarsinneqavinnissaata tungaanut utaqqinngikkaluarluni Tunumi takornariaqarneq pillugu nutaamik piaarnerpaamik aqqissuussivigineqassasoq najukkami takornarialerisunut pitsaanerpaassasoq ingerlatsivimmit nalilerneqarpoq.

Aningaasaateqarfik Destination East Greenland Kommuneqarfik Sermersuumit 2009-mi pilersinneqarpoq siunertarlugu, Tunumi kulturikkut attanneqarsinnaasumik takornariaqarnikkut ineriartortitsinissamut pitsaanerpaamik toqqammavissaqalersitsinissaq. Aningaasaateqarfiup siunertaraa takornariaqarnerup iluani suliffeqarfimmik inerisaaneq, pilersitsineq utaqqiisaasumillu ingerlatsineq.

Kommuneqarfik Sermersuup aningaasaateqarfik akilerpaa Tunumi DMO-mik ingerlatsinerup ukioq ataaseq kiffartuussinermik isumaqatigiissuteqarfialugu isumaginiarlugu, taavalu aningaasateqarfik saniatigut isaatitsilaarnikuvoq Tasiilami pisiniarfimmik ingerlatsinermigut. 2015-imi Deloitte´mit aamma Malling & Hansen Damm´imit nassuiaammi paasinarsivoq kiffartuussinissamik isumaqatigiissummi aningaasaliissutit pisiniarfimmik ingerlatsinermit atorineqannginnissaannik ajornakusoortitsisoqartoq, taakkuami immikkoortinneqartariaqarmata uppernarsaateqarniassammat, kiffartuussinissamik isumaqatigiissut malinneqartoq, aammalu unioqqutitsisumik ingerlatsinermit tapiissuteqartoqanngitsoq. Tamatuma kingunerisaanik Destination East Greenland qaammatit pingasukkaartumik kiffartuussinissamik isumaqatigiissummi aningaasaliissutit sumi atorineqarneri pillugit nalunaarusiortalerpoq. 2021-mut kiffartuussinissamik isumaqatigiissut 574.000 kr.-nik aningaasartaqarpoq makkununga atugassanik:

- Takornarianut paasissutissiivimmik & takornarianut nalinginnaasumik paasissutissiinermit ammatitsisarneq kr. 302.000
- Takornarianut paasissutissanik suliaqarneq kr. 33.000



- Nittartakkakut Facebookikkullu nittarsaassineq kr. 124.000
- Kulusummi takornarianut paasissutissiivik kr. 31.000
- Saqqummersitsinermi peqataaneq 84.000

Suliassat ataasiakkaat naammassineqassanngippata, Kommuneqarfik Sermersooq kiffartuussinissamik isumaqatigiissummi immikkoortoq 3.2. malillugu akiliutit utertinneqarnissaannik qinnuteqaateqarsinnaavoq. 2021-imut kiffartuussinissamik isumaqatigiissut ilanngussaq 2-miittoq aammalu ilanngussaq 3-mi kiffartuussinissamik isumaqatigiissummi ilanngussaq takukkit.

Ukiuni arlalinni Destination East Greenland-ip aningaasaqarniarnera ilungersunartorsioritissarsimavoq. 2018-imut aamma 2019-mut ukiumoortumik naatsorsuutit Destination East Greenland-ip aatsaat februaarip ulluisa arfineq-pingajuanni 2021-imi tunniuppai, taamaattumillu Kommuneqarfik Sermersuup 2021-mut kiffartuussinissamut isumaqatigiissummi piumasaqaataasut malillugit aningaasanut tunniunneqartussanut piumasaqaatigaa, naatsorsuutit kinguaattoorutaasut tunniunneqaqqaarnissaat. 2020-mut naatsorsuutit aamma kinguaattooqqapput, taakkulu novembarip ulluisa arfineq-pingajuanni 2021-imi akuersissutigineqarput. 2020-mut ukiumoortumik nalunaarusiaq suli suliarineqanngilaq, ingerlatseqqiinnarnissaq siunertaralugu, siulersuisullu allapput, aningaasaateqarfiup atorunnaarsinneqarnissaa sulissutigineqartoq, tamannalu aamma pillugu 2021 ataavartumik oqaloqatigiissuteqartoqartareerpoq. 2020-mut ukiumut nalunaarusiami ilanngussaq 4-mi kukkunersiuisut uppersaasiinerata aamma naatsorsuutit ilanngussineq uuttuinerlu pillugit nalorninartumut aqutsisut nalunaarutaanni immikkoortumiittut takukkit.

2021 tamakkerlugu Destination East Greenland ingerlanneqaannassanersoq nalornissutaangaatsiarsimavoq, taamaattumillu ingerlatsiviup Destination East Greenland-ip 2022-mi kiffartuussinissamik isumaqatigiissuteqarfigeqqinneqarnissaa innersuussutigiumasimangilaa, Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18 december 2003-meersoq naapertorlugu kommunip aningaasaatai suliffeqarfinnut amigartooruteqarfiusunut matussusiinissamut atoqquusaanngimmata. Decembarip ulluisa 20-anni 2021-mit Destination East Greenland-ip Kommuneqarfik Sermersuumut nalunaarutigaa, siulersuisut aningaasaateqarfiup atorunnaarneqarnissaa civilstyrelsimut qinnuteqaatigisimagaat.

Ingerlatsiviup nalilerpaa, Tunumut DMO-tut atuuffik siunissami Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit ingerlatissappagu pitsaanerussasoq. Inuussutissarsiornermut Siunnersuisooqatigiit suliaq pillugu decembarip ulluisa arfernanni 2021 ilisimatinneqarput, taakkulu Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit DMO-mik atuuffiup ingerlanneqalernissaa taparserlugu. Sermersuumi Inuussutissarsiornermut immikkoortortap Nuummi DMO-tut atuuffiit isumagisarpai nalilerlugulu, immikkoortortami tassani DMO-tut atuuffiit arlallit ingerlanneqarpata sunniteqarluarsinnaasoq. Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit Tunumi DMO-tut atuuffimmik nutaamik ilusilersuimavoq.

Sermersuumi Inuussutissarsiornermut immikkoortortaq Destination East Greenland-imi siulersuisut kissaataa malillugu aningaasaateqarfiup atorunnaarsinnissaanut ikiuussinnaavoq. Aningaasaateqarfiup atorunnaarnissaanut ukiut 2-3-t ingerlanissaa ingerlatsiviup naatsorsuutigaa, Aningaasaateqarfik Sermersooq Business Council-ip atorunnaarsinnerani misilittakkat tunngavigalugit.

Destination East Greenland-ip killormut nalilerpaa, iluaqutaassasoq, Destination East Greenland-ip DMO-tut atuuffik aningaasaateqarfiup matujartuaarnerani isumagissappagu aammalu 2022-mut



kiffartuussinissamik isumaqatigiissutissatut siunnersuusiorsimalluni, 1.032.000 kr.-nik aningaasartallimmik, imatut agguataarneqartumik:

- Sulisunut aningaasartuutit 660.000 kr.
- Vestnorden Travel Mart - Nuummi peqataaneq 45.000 kr.
- Siulersuisut isumasioqatigiissinneqarnerat 55.000 kr.
- Ingerlatsinermi aningaasartuutit 72.000 kr.
- DMO, tuniniaaneq ineriartortitsinerlu 200.000 kr.

Ingerlatsiviup nalilerpaa, sulisunut aningaasartuutininik, siulersuisut isumasioqatigiinnerinut ingerlatsinermullu aningaasartuutininik matussusiinissaq inatsisitigut tunngavissaqarnerasoq ersernerluttoq, aningaasartuutit takornariaqarnermi ineriartortitsinerlut imaluunniit pisiniarfimmik ingerlatsinermut atorineqarsimanersut allassimanngimmat. Pisiniarfimmik ingerlatsinissamut inatsisitigut tunngavissaqanngilaq. Tassunga atatillugu aningaasat qinnuteqaatigineqartut missingersuutitassaat akuersissutigineqanngillat. Ilanngussaq 1 takuuk.

Ingerlatsiviup nalilerpaa, Tunumi DMO-tut atuuffiup Sermersuumi Inuussutissarsiornermut immikkoortortamit pitsaaneruseqanngit ingerlanneqarsinnaasoq, missingersuutit pioreersut 2022-mi Destination East Greenland 573.000 kr.-nik aningaasartallit Tunumi DMO-tut atuuffimmut atugassiissutigineqarpata, aammalu Destination East Greenland-imut kiffartuussinissamik isumaqatigiissut itigartitsissutigineqarpat. Aningaasaateqarfiup atorunnaarsinneqavinnissaata tungaanut utaqqinngikkaluarluni Tunumi takornariaqarneq pillugu nutaamik piaarnerpaamik aaqquissuussivigineqassasoq najukkami takornarialerisunut pitsaanerpaassasoq ingerlatsivimmit nalilerneqarpoq.

#### **Ingerlatsivimmit aningaasatigut sulisoqarnikkullu naliliinerit**

Inassuteqaat Sermersuumi Inuussutissarsiornermut immikkoortortamit missingersuutit pioreersut iluanni suliarineqassaaq. Sermersuumi Inuussutissarsiornermut immikkoortortaq Tasiilami ataatsimik sulisoqarpoq, Sermersuumi Inuussutissarsiornermut immikkoortortami sulisut sinneri suleqatigalugit suliassamik suliarinnittussamik. Immaqa aamma Tasiilami sulisoq ilaneqarsinnaavoq, tamannalu Sermersuumi Inuussutissarsiornermut immikkoortortami missingersuutit iluanni naammassineqarsinnaalluni.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppernarsaatitalit**

- Kommunit inuussutissarsiutini il.il. aningaasaliinermikkut inuussutissarsiutinik ineriartortitseqaatanissaminut periarfissaat pillugit Inatsisartut Inatsisaat nr. 23, 18. december 2003-meersoq

#### **Ilanngussaq**

1. 2021-mut DEG-p Kiffartuussinissamik isumaqatigiissutissatut qinnuteqaataa INAARUTAASOQ
2. Kiffartuussinissamik isumaqatigiissut atsiugaq DEG 2021
3. DEG-mut 2021 Kiffartuussinissamik isumaqatigiissummut takussutissiaq
4. 2020 ukiumut nalunaarusiaq
5. Atorunnaarsitsinissamut qinnuteqaat

## **Punkt 8: Ukiumoortumik naatsorsuutit 2020 – Naatsorsuutit inaarneqarneri kukkumersiuusut oqaaseqaataannik imallit**

### **Beslutning**

Inassuteqaat akuersissutigineqarpoq, imatut oqaaseqaatitalerlugu: Immikkoortoq 3.2-mi oqaaseqaatit ukiuni tullerni (2-3) malitseqartinneqarnissaat (matuneqarnissaat) kissaatigineqarpoq.

### **Bilag**

2020 ukiumut nalunaarusiaq

Ukiumut nalunaarusiamut ilanngussaq 1 – ingerlatsinermut naatsorsuutitut oqaaseqaatit

Ukiumut nalunaarusiamut ilanngussaq 2 - sanaartornermut naatsorsuutitut oqaaseqaatit

Kukkumersiuusut nalunaarutaat 2020

Oqaaseqaat - Kukkumersiuusut oqaaseqaataasa akissuteqarfiginerat



## Ukiumoortumik naatsorsuutit 2020 – Naatsorsuutit inaarneqarneri kukkunersuiusut oqaaseqaataannik imallit

Aalajangiiffigisassaq

SagsID.: EMN-2021-11436

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Ukiumut naatsorsuutit 2020 inaarutaasumik akuersissutigineqassasut (ilanngussaq 1-3)
- kukkunersuiusut nalunaarutaat 2020 tusaatissatut tiguneqassasoq (ilanngussaq 4)
- kukkunersuiusut nalunaarutaannut nassuiaat tusaatissatut tiguneqassasoq (ilanngussaq 5)
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### Suliamik saqqummiussineq

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq malillugu Aningaasaqarnermut Inuussutissarsiornermullu Ataatsimiititaq naatsorsuutit Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersuiusunut ingerlateqqinneqassapput. Tamanna pivoq AIA-mi 20. maaji 2021 aamma Kommunalbestyrelsimi 1. juuni 2021.

Tulliullugu kukkunersuiusut ukiumut naatsorsuutit misissuissapput oqaaseqaatiminnillu inerniliinerminnillu saqqummiussillutik.

Kukkunersuiusut oqaaseqaataat inerniliinerallu kukkunersuiusut oqaaseqaataanni 16. decembari 2021-mik ullulerneqarsimasut ilanngussami takuneqarsinnaapput.

Tamatuma kingorna Aningaasaqarnermut Inuussutissarsiornermullu Ataatsimiititap kommunip inaarutaasumik naatsorsuutai kukkunersuiusut nalunaarutaannik ilallit akissuteqarnerannullu oqaaseqaatitallit Kommunalbestyrelsimut inaarutaasumik akuersissuteqartussamat saqqummiutissavai.

Tamatuma kingorna Naalakkersuisunut pisortatigoortumik nassiunneqassapput inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

Kommunalbestyrelsip 1. juuni 2021-mi ataatsimiinnermini 2020-mut ukiumoortumik naatsorsuutit oqaluuserai kukkunersuiusunullu nassiunneqarnissaat akuersissutigalugu.

Ukiumoortumik naatsorsoortit kukkunersiorneqarlutik inaarneqareerput, maannalu oqaluuserisassatut saqqummiunneqarput:

- 2020-mut ukiumoortumik naatsorsuutit
- 2020-mut kukkunersuiusut nalunaarutaat
- 2020-mut kukkunersuiusut nalunaarutaannut akissuteqaatit oqaaseqaat



### **Ingerlatsivimmit aningaasatigut sulisoqarnikkullu naliliinerit**

2020-mi naatsorsuutit ataatsimut isigalugit 36,4 mio. koruuninik sinneqartooruteqarput, nammineerlunilu aningaasaatit 2.006,8 mio. koruuniullutik.

2020-mi ukiup naanerani karsimiittuutit 47,9 mio. koruuniupput.

Aamma ukiumut naatsorsuutininut kiisalu kukkunersiuisut oqaaseqaataannut suliami ilanngunneqartunut innersuussuteqartoqarpoq makkuusut:

1. 2020 ukiumut nalunaarusiaq
2. Ukiumut nalunaarusiamut ilanngussaq 1 – ingerlatsinermut naatsorsuutininut oqaaseqaatit
3. Ukiumut nalunaarusiamut ilanngussaq 2 - sanaartornermut naatsorsuutininut oqaaseqaatit
4. Kukkunersiuisut nalunaarutaat 2020
5. Oqaaseqaat - Kukkunersiuisut oqaaseqaataasa akissuteqarfiginerat

Kukkunersiuinermi kommunip naatsorsuutininik ingerlatsinera pillugu arlalinnik oqaaseqaateqarpoq, erseqqissarneqassaarli siorna naatsorsuutininut sanilliullugit ersarissumik pitsanngoriaateqarmat.

Kukkunersiuineq taamaalillugu 2020-mi naatsorsuutit immikkut isiginagit kukkunersiorneqarnerat oqaatigineqarpoq, tamannalu kukkunersiuisumit imatut nalilerneqarpoq, issuaaneq:

*"...Isumaqarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut"*

Imm. 2.1 innersuussutigalugu Kukkunersiuisup arlaannaannulluunniit attuumassuteqanngitsup kukkunersiuinermi uppersaanera, kukkunersiuinermi nalunaarusiamiittoq.

Kukkunersiuinermi pissutsinut arlalinnut oqaaseqaateqartoqarpoq, tassani allaffeqarfik suliniutit pillugit nassuaassaaq oqaaseqaatit iliuuseqarfiginiarlugit.

Kukkunersiuinermi oqaaseqaatit kukkunersiuinermi nalunaarusiami 3.1-imi aamma 3.2-mi ersersinneqarput.

Kukkunersiuinermi 2020-mut naatsorsuutit pillugit, pissutsit nutaat marluk oqaaseqaateqarfigineqarput. Takkua kukkunersiuinermi nalunaarusiami imm. 3.1-imi ersersinneqarput.

Kukkunersiuinermi aamma kukkunersiuinermi oqaaseqaatinut 13-inut ukiumi siusinnerusukkat uparuarneqartunut malitseqartitsisoqarpoq.

Ukiumi siusinnerusukkat oqaaseqaatigineqartut marluk matunekarput, taakku allaffeqarfimmit iluarsineqarsimmata, taamaalillunilu kukkunersiuisoq oqaaseqaatissaarulluni.

Oqaaseqaatit 11-t 2021-mut nuunneqarput, kukkunersiuisoq naliliimmat ukiumi naatsorsuusiorfiusumi 2020-mi iluarsiiqqineqarsinnaaneri ilimanaateqartoq.

Allaffeqarfiup oqaaseqaatai akissutitut nassuaammi atuarneqarsinnaapput.



### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussiviip naliliineq naapertorlugu naatsorsuutit kukkuneriusiunit nalunaarusiartallit tamaat isigalugu eqqortuusut nalilerpaat.

Taamaammat inassuteqaat akuersissutigineqassasoq innersuussutigineqarpoq.

### **Inatsisitigut tunngavissaq allakkallu tunngaviusumik uppersaaitallit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkuneriusisoqarnerat kiisalu karseqarnerat naatsorsuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunip Aqutsinermi lleqqoreqqusai
- Kommunip piginnaatitaanermut pilersaarutaa

### **Ilanngussaq**

1. 2020 ukiumut nalunaarusiaq
2. Ukiumut nalunaarusiamut ilanngussaq 1 – ingerlatsinermut naatsorsuutitut oqaaseqaatit
3. Ukiumut nalunaarusiamut ilanngussaq 2 - sanaartornermut naatsorsuutitut oqaaseqaatit
4. Kukkuneriusiut nalunaarutaat 2020
5. Oqaaseqaat - Kukkuneriusiut oqaaseqaataasa akissuteqarfiginerat

## **Punkt 9: Kapisilinni Nuna eqqissimatitaq**

### **Beslutning**

Inassuteqaat akuersissutigineqarpoq.

### **Bilag**

Maanna eqqissimatitaasup nunap assinga



## Kapisilinni Nuna eqqissisimatitaq

Aalajangiiffigisassaq

SagsID.: EMN-2020-30618

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Kapisillit eqqaanni Kuussuup (Austmannadalen) eqqissisimatitaanera annertusillugu Kapisillit eqqaanni kuup kapisillip ilanngunneqarnissaanut periarfissanik misissuinissamut tapersersuisoqassasoq
- suliaq Kommunalbestyrelsimut aalajangiiffigisassanngorlugu ingerlateqqinneqassasoq

### Suliamik saqqummiussineq

Naalackersuisut, Kommuneqarfik Sermersuumi kommunalbestyrelsip inaarutaasumik tapersiinerata kingorna OLT-mi Kalaallit Nunaat Pillugu Aalajangiineq pillugit Kalaallit Nunaat pillugu Aalajangiineq malillugu EU-mit aningaasaliissutaasut tunngavigalugit Kapisilinni Nuna eqqissisimatitaasumik pilersitsinissamut atatillugu, EU-mut suliniummik suliaqarnissamut nassiussinissamullu qinnuteqaasiortoqarnissaa ulloq 15. decembari 2021-mi akuersissutigaa. Qinnuteqaat Kapisillit eqqaanni Nuna eqqissisimatitamik pilersitsinissamut periarfissanik misissuinikkut suliniummik aallartitsisuusaaq, tamannalu nutaamik nalunaaruteqalerneranik kinguneqarsinnaavoq. Tamanna ukiunik arlalinnik sivisussuseqarsinnaanera nalilernerarpoq. Paasissutissat pigineqartut utaqqiisaasumik tassaagallarput siunnersuut, suliniummut pilersaarutit il.il. Inaarutaasumik suliaq najugaqarfimmi suliaqartartut peqataatillugit suliarineqassaaq, suliniut taamaalinikkut najugaqarfimmi inuiaqatigiinnut naleqartitsinerulissammat kiisalu Kapisilinni ineriartorneq qulakkeerneqassalluni.

Ulloq 27. januaari 2022 suliniut nunaqarfimmi aqutsisunut tusarniaassutigineqarpoq, nunaqarfimmilu aqutsisut peqataatinneqajaarsimanertik qujassutigaa suliniummullu tapersiillutik.

Ilaatigut Kuussuup (Austmannadalen), 2008-mi Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaat nr. 23, 14. juli 2008-imeersoq malillugu eqqissisimatitatut nalunaarsorneqarsimasup allilernerqarneratigut suliniut naammassineqarsinnaavoq. Ilanngussaq 1-mi maanna nuna eqqissisimatitaq takuuk. Eqqissisimatitami piniarneq inerteqqutaanngilaq.

Naalackersuisut suliniummi matumani nuna eqqissisimatitaareersoq annertusillugu Kapisilinni kuup ilanngunneqarnissaa sulissutigaa, tamatumunnga pissutaavoq kuuk Kalaallit Nunaanni kisiartaalluni immikkuullarissumi kapisileqarfiummat (Tassa imaappoq sumiiffimmi aalajangersimasumiippu). Kapisillit amerlangillat sunnertiasuullutillu, kapisillilu Europami Amerika avannarlermillu kapisilinniit allaanerullutik. Maannakkut Kapisilinni kapisileqarfiit immikkut ittumik illersorneqanngillat, nunalu takornariat amerliartorerinit nunalerinermillu aarlerinartorsiortinneqarluni. Inatsisit attuumassuteqartut atuutilersinneqarneratigut nunami immikkoortumi uumassusillit assigiinngisitaarnerat illersorneqassapput, pingaartumillu kapisillit immikkuullarissut taakkulu kuuit kapisileqarfiusut. Tamanna kapisillip, kapisilinni kuup kiisalu nunat kangerluillu atasut siunissamik ungasinnerusumik eqqarsaatiginnittumik piujuartitsisumik atorluarneqarsinnaaneramik qulakkeerinillunilu periarfissiisaaq, matumani kangerlummut sermilimmut atatillugu siunissami takornariaqarnikkut ineriartortitsinermik piujuartitsisumik kiisalu piniarnermik piujuartitsisumik ingerlatsiinnarnissaaq ilanngullugit. Suliniut kapisileqarfimmut



tunngatillugu ilisimasani annertusaanermik ingerlatitseqqiinermillu pisinnaalersitsissaaq. Sumiiffimmittaaq inunniit qallunaatsianiillu kulturikkut kingornussanik untritilinnik peqarpoq. Kulturikkut kingornussat "Kapisilinni Nuna eqqissisimatitaaq" pilersinneqarpat annertunerusumik maluginiarneqalissapput, illersorneqarnissaminnik periarfissaqalerlutik kiisalu sumiiffimmi pinngortitap kulturillu ataatsimut ingerlateqqinneqarnissaanut ilanngullutik.

Taamatutaaq sumiiffiup Nunatut eqqissisimatitanngortinneqarnera takornariaqarnikkut ineriartortitsinermut kiisalu kangerlummi sermilimmi Eco-village-ssamut pitsaasumik sunnuteqaqateqartitsiumaartoq Ingerlatsiviup nalilerpaa. Nunat eqqissisimatitap takornariaqarfiusartut tamanit ilisimaneqarluarput taamaattumillu Kapisilinni Nuummilu takornariaqarnikkut ineriartortitsinermik naleqarnerulersitsissallutik. Taamaalinikkut nuna eqqissisimatitaaq, takornariaqarnikkut ineriartortitsinerup Nunatsinni pinngortitap immikkuullarissup kulturikkullu kingornussat oqaluttuarisaanermut attuumassutillit piujuartinneqarnissaannik qulakkeerinninnissaanik, qulakkeerineqataassaaq, soorluttaaq pinngortitap kulturikkullu kingornussat pitsaanerusumik ingerlateqqinneqarnerat takornariaqarnermut naleqarnerulersitsissalluni.

Suliniuummi ingerlatsinermut pilersaarusiornissaaq ilaavoq. Nunami eqqissisimatitami soorlu tuttnik piniarnerup ingerlateqqinneqarnera kiisalu takornariaqarnikkut ineriartortitsinerup attaveqaatitigut taperserneqarneratigut periarfissinneqarnera sammisassatut periarfissaasinnaapput. Suliniuummi ilaatigut soorlu kapisillit kuuanni ikaartarfiliornikkut, pisuttuarfissiornikkut aqqusinniornikkullu kiisalu takornarianut najukkamilu innuttaasunut iluaqutaasussanik tammaarsimaarfiliornikkut utaqqiisaasumik attaveqaasersuisoqassaaq.

Suliniuummut nassuiaat Kommuneqarfik Sermersooq suleqatigalugu Naalakkersuisunit suliarineqassaaq.

### **Ingerlatsivimmit aningaasatigut sulisoqarnikkullu naliliinerit**

Sulisoqarnermut tunngatillugu Kommuneqarfik Sermersuumi ingerlatsivimmit, suliniutip naammassineqarnissaanut aqutsisooqatigiinnut, sinniisussamik toqqaasoqarnissaa naatsorsuutigineqarpoq. Suliniuummut aningaasartuutit EU-mut qinnutigineqarneri pissutigalugu Kommuneqarfik Sermersooq annertuumik aningaasartuuteqarnissaa naatsorsuutigineqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviusumik uppersaataatillit**

- Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaat nr. 23, 14. juuli 2008-meersoq.
- Pinngortitamik illersuineq pillugu Inatsisartut inatsisaat nr. 29, 18. december 2003-meersoq.
- Kommuneqarfik Sermersuup Inuussutissarsiornermut periusissiaa 2022-2026

### **Ilanngussaaq**

1. Maanna eqqissisimatitaasup nunap assinga

## **Punkt 10: Inissianik ineriartortitsinissaq, Ningitsivik, Nuuk**

### **Beslutning**

Inassuteqaat akuersissutigineqarpoq.

### **Bilag**

Sanaartornissamut qinnuteqaat

Inatsisartut inatsisaat nr. 34, 9. december 2015-imeersoq

Misissugassatut allattorsimaffik Sanarfinermut Avatangiisinullu Ingerlatsivimmit suliarineqarpoq

Naliliinissamut allattorsimaffik Sanarfinermut Avatangiisinullu Ingerlatsivimmit suliarineqarpoq

## **Inissianik ineriartortitsinissaq, Ningitsivik, Nuuk**

Pilersaarutitut qinnuteqaat / Inaarutaasumik akuersissutiginninneq

Aalajangiiffigisassaq

Suliap ilisarnaataa: EMN-2021-11610

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu

Ataatsimiititamat inassuteqaatigaa:

- pilersaarutitut qinnuteqaat, Nuummi Ningitsivimmi inissialiornissamik siunnersuut ingerlatsiviup oqaaseqaatai ilanngullugit akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit Berjaya Invest A/S-imit sanaartornissamik qinnuteqaat tiguneqarpoq, Nuummi Ningitsivimmi immikkoortup ilaani 4C3-mi inissianik 66-inik sanaartornissamik kissaateqarpoq.

Pilersaarut maanna sap.ak. 8-ni piffissami 20. septembarimiit 15. novembarimut 2021 tamanut tusarniutigineqareerpoq. Tusarniuteqarnerup ingerlanerani innuttaasunik paasissutissiineq Illorput-mi ulloq 5. oktobarimi nal. 16.30 pivoq. Tassunga innuttaasut 15-it miss. takkupput.

Piffissami tusarniaaffiusumi tusarniaanermut akissuteqaatinik tigusaqartoqanngilaq.

Pilersaarutip imarai, blokkit pingasut sisamanik quleriillit, 56-inik inissiallit kiisalu illut qulit aneersuarfittallit imminnut atasut marlunnik quleriillit, pingasunut illunut agguataagaasut. Inissiat assigiinngisitaartuupput marlunnik initallit 57,6 m<sup>2</sup>, pingasunik initallit 67,5 m<sup>2</sup> aamma sisamanik initallit 93,1 m<sup>2</sup>. Illut aneersuartarfillit tamarmik sisamanik initaqarput 171 m<sup>2</sup>-inik angissuseqarlutik.

Sanaartugaq immikkoortup ilaaniippoq ullumikkut meeqqeriveqarfinnut atugassiissutigineqarsimasumut. Taamaattorli meeqqeriviup inissisimanera qanittumut immikkoortup ilaanut, 4A7 Mitsimmavik, nuunneqarsimavoq, taamaalillunilu kommunimut pilersaarummut tapiliusaaq nutaanngilivallaarsimavoq. Taamaalilluni pilersaarut, ilaqutariinnut inissianut tunngassuteqartoq, Qinnngutta kujataatungaanut kommunip pingaarnertut pilersaarutaanut periusissiaanullu tulluaqqinnaarpoq.

Eqqaanut ataqatigiinnissaanut tunngasut suli naammassillugit ineriartortinneqanngillat. Pingaarnertut aqqutit pilersinneqareerput, sulilu immikkoortup qanittuani illuliortoqanngilaq. Taamaattumik maannakkut immikkoortup qanittuani sanaartornissamut pilersaarutaasut tunngavigalugit sanaartugassap eqqaanut ataqatigiinnersoq nalilersorneqarpoq.

Immikkoortut Nuummi noqqaassutigineqaqisunik pingaarnertut inissialiornissamat eqiteriffigineqarsinnaanerit ingerlatsiviup ataatsimut isigalugu nalilerpaa. Ingerlatsivimmiilli pilersaarutitut siunnersuommut pingaaruteqartunik oqaaseqaateqarpoq, pilersaarullu akuersissutigineqassappat taakku kommunimut pilersaarummut tapiliussamik tulliani suliaqarnermi ilanngunneqassapput.

Ingerlatsiviup oqaaseqaatai:

- Sissaq sinerlugu aqput pilersaarutaareersup ilaatut pilersinneqassaaq, taannalu immikkoortup ilaat 4A7-ip aamma 4A8-p akornatigoorpoq. Taamatutaaq sanaartornissamut pilersaarutip aamma sissaq sinerlugu aqputip akornatigut atassusiisoqassaaq
- Illoqannginnersat sanaartukkallu ilusaat suliarineqassapput sapinngisamik immikkoortumi nunap ilisarnaataanik atorluuanikkut attassinikkullu sapinngisamillu nunap allanngortinnaveersaerneratigut - matumani aamma illut toqqavii pukkilisinneqassapput
- Blokini majuartarfinni elevatorilersuisoqassaaq aamma pinnguartarfik tikikkuminarsarneqarnerussaaq
- Silataasa isikkussaat Kommuneqarfik Sermersuumit inaarutaasumik akuersissutigineqartussaavoq
- Sanaartornissamut siunnersuummi illut tamarmik quilersorneqassapput

Pilersaarusiornermut inatsit nutaaq, Inatsisartut inatsisaat nr. 34, 9, december 2015-imeersoq tunngavigalugu nunaminertamik inniminniinissaq qinnutigineqarpoq. Pilersaarusiornermut inatsisip allanngortinneqarnera Kalaallit Nunaanni Naalakkersuisunit Kommuniniillu inuussutissarsiornerup siuarsarusunneqarneranut ilaavoq, taamaaliornikkut aningaasaliinissaq ajornannginnerulissammat orniginarnerullunilu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq.

### **Ingerlatsivimmit aningaasatigut sulisoqarnikkullu naliliinerit**

Pilersaarummut qinnuteqaat kommunimut aningaasatigut kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Pilersaarusiorneq aamma nunaminertat atorleqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq, 13.01.22:*

Inassuteqaat akuersissutigineqarpoq.

### **Ilanngussat**

1. Sanaartornissamut qinnuteqaat
2. Inatsisartut inatsisaat nr. 34, 9. december 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqarpoq
4. Naliliinissamut allattorsimaffik Sanarfinermut Avatangiisinullu Ingerlatsivimmit suliarineqarpoq

## **Punkt 11: Qeqertarsuatsiaani aalisakkanut fabrikkiliornissaq**

### **Beslutning**

Inassuteqaat akuersissutigineqarpoq.

### **Bilag**

Nunap assinga ilanngussaq

Tusarniaanermut akissuteqaat Nunaqarfimmi aqutsisut

Tusarniaanermut akissuteqaat Peqatigiiffik Nuunnguaq

Tusarniaanermi saqqummiunneqartut

Naammagittaaliuteqarneq pillugu suliamik aalajangiineq

Aalajangersakkat pingaarnerit pioreersut

## Qeqertarsuatsiaani aalisakkanut fabrikkiliornissaq

Aalajangiiffigisassaq

SagsID.: BOG-2021-03401-003

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- qinnuteqaatigineqartoq itigartitsissutigineqassasoq §32 malillugu inerteqquteqarnikkut
- §32 maillugu inerteqquteqarnikkut nutaamik kommunimut pilersaarummut tapiliussamik, inuussutissarsiortut, pisortat innuttaasullu soqutigisaannik periarfissalimmik suliaqartoqassasoq akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivik matumani Qeqertarsuatsiaani aalisakkanut fabrikkiliornissaq pillugu suliassamik saqqummiussivoq. Suliaq Sanarfinermut Avatangiisinullu ataatsimiititap ulloq 18. juuni 2021-mi ataatsimiinnerani saqqummiunneqarpoq, tassani Qeqertarsuatsiaani aalisakkeriviliornissaq pillugu qinnuteqaat itigartitsissutigineqassasoq aalajangerneqarpoq. Nunaminertamik atugassiinissaq nunaminertanut oqartussaqaarfimmit itigartitsissutigineqarpoq, tamnnalu kingorna qinnuteqartumit naammagittaalliutigineqarpoq. Naammagittaalliutigineqartoq suliarineqarpoq naammagittaalliutigineqartorlu akuerineqarpoq nunaminertanut oqartussaqaarfiup aalajangiinera nutaamik suliarineqartussanngorlugu. Taamaattumik suliaq Sanarfinermut Avatangiisinullu ataatsimiititamut saqqummiuteqqinneqarpoq.

Novembari 2018-imi Greenland Fish & Offshore ApS Qeqertarsuatsiaani aalisakkanut fabrikkiliornissamik qinnuteqarpoq, qinnuteqaatilli imarisai amigaaqarmata suliarineqarsinnaasimangilaq.

Tamatuma kingorna suliffeqarfik kommunimit aningaasatigut tapersorsorneqarnissamik qinnuteqarpoq tamannalu apriliip 21-ani 2020-mi Aningaasaqarnermut Inuussutissarsiornermullu Ataatsimiititap ataatsimiinnerani suliarineqarpoq. Qinnuteqaat inatsisinut atuuttunut innersuussutitalimmik itigartitsissutigineqarpoq.

Suliffeqarfik nutaamik, Nuunnguaq Seafood IVS-imik atserluni nutaamillu CVR-nr.-lerluni nunaminertamik atugassinneqarnissamik qinnuteqaqqissimavoq. Aalisakkanut fabrikkip Pilersuisup kimmut kujatikanniani, Pilersuisup gassinik toqqorsiviuteqarfiani sanaartorneqarnissaa kissaatigineqarpoq, taamaattumillu pilersaarutip piviusunngortinneqarnissaanut gassinik toqqorsiviup nuunneqarnissaa pillugu Nuunnguaq Seafood IVS-ip KNI-mik isumaqatigiissusiornissaa piumasaqaataavoq, ilanngussaq 1.

B-157-ip eriagisassatut aalajangiunneqarsimanera ingerlatsiviup ilisimaarivaa qinnuteqartorlu tamatuminnga ilisimatissimallugu Kommunalbestyrelsillu tamatuma atorunnaarsinneqarsinnaanera aalajangiiffigisinnavaa. Taamaattumik qinnuteqartup qinnuteqaammimi illuliornermi malittarisassat naapertorlugit B-157-imut ataqqinnittumik ungasissuseqarnissaq malissimavaa.

Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Tusarniaanermut akissutinik katillugit

marlunnik tiguisoqarpoq, taakkunani aappaa nunaqarfimmi aqutsisuninggaaneerpoq taakkulu aalisakkanik fabrikkilornissaq kissaatiginngilaat, ilanngussaq 2. B-157-ip eriagisassatut inissisimanera pillugu suliamik ingerlasoqarpoq, Nunaqarfimmilu aqutsisut tamatuma qulaajarneqaqqaarnissaa kissaatigaat. B-157 aalisakkanik fabrikkiliassatut qinnutigineqartup sanianiippoq.

Tusarniaanermut akissutip aappaa peqatigiiffik Nuunnguaminngaanneersuuvoq, taakkulu qinnuteqartumut tatiginninnatik allapput, aammalu najukkami aalisartut qinnuteqartumit sianiinaarneqarsimasutut misiginertik pissutigalugu aalisakkanik fabrikkissamut tapersersuinngitsut paasissutissiillutik, ilanngussaq 3.

Tusarniaanermut akissutigineqartut suliamut nutaamik ilassusiinngillat, pilersaarusiorneq pillugu inatsit atuuttoq malillugu qinnutigineqartumut nunaminertamik atugassiinissaq aporfissaqarmat.

Ataatsimiititamit aalajangerneqarsinnaavoq immikkoortumi qinnutigineqartumi ineriartortitsineq, aalajangersagaareersut pingaarnerit periarfissaqartitsineri tunngavigalugit allannguinnissamik, § 32 naapertorlugu inerteqquteqarnikkut. Taamaaliornikkut immikkoortup qinnutigineqartup allangortinneqarnissa pinngitsoortinneqarsinnaavoq, ukiup ataatsip iluani sukumiisumik aalajangersakkat suliarineqarnerini.

Aalisakkanik fabrikkil najukkami tunngavissinneqarluni tapersersorneqaruni Qeqertarsuatsiaanik pitsanngorsaaqataasinnaasoq, Ingerlatsivik naliliivoq.

### **Ingerlatsivimmit aningaasatigut sulisoqarnikkullu naliliinerit**

Qinnuteqartup sanaartorfissagissaanissaq, gassinik toqqorsiviup pioreersup nuunnissaa allallu nammineerluni isumagisussaassammagit, aalisakkanut fabrikkimik sanaartornissaq kommunimut aningaasaqarnikkut sulisoqarnikkullu kinguneqassanngilaq.

§ 32 naapertorlugu inerteqquteqarnissaq toqqarneqassappat, tamanna nukissanik, immikkoortoq pillugu sukumiisunik aalajangersakkanik suliaqarnermik, kinguneqassaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17 november 2010-imeersoq
- Pilersaarusiorneq aamma nunaminertat atorineqartarnerat pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarussiaq, nunaminertanik inniminniisarneq, atuisinnaanermut killigittitamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa.)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 13.01.22:*

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Qeqertarsuatsiaani sumiiffimmi qinnuteqarfiusumi aalisakkanut fabrikkilornissaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat imatut oqaaseqaatitalerlugu itigartitsissutigineqarpoq:

Pilersaarummut inatsimmi §32 naapertorlugu inerteqquteqartoqarpoq. Allaffissornermit ukiup ataatsip ingerlanerani nutaamik kommunimut pilersaarummut tapiliusseq, inuussutissarsiortut, pisortat innuttaasullu soqutigisaannik imalik, suliarineqassaaq.

### **Ilanngussaq**

1. Nunap assinga ilanngussaq
2. Tusarniaanermut akissuteqaat Nunaqarfimmi aqutsisut
3. Tusarniaanermut akissuteqaat Peqatigiiffik Nuunnguaq
4. Tusarniaanermi saqqummiunneqartut
5. Naammagittaaliuteqarneq pillugu suliamik aalajangiineq
6. Aalajangersakkat pingaernerit pioreersut

## **Punkt 12: Kommunitut pilersaarummut tapiliussamut siunnersuut 1C30-4 Tuujuk, Nuuk**

### **Beslutning**

Inassuteqaat akuersissutigineqarpoq, imatut oqaaseqaatitalerlugu: Pilersaarutip Kommunalbestyrelsimut ingerlateqqinneqannginnerani iliveqarfiup allanngortinneqannginnissaa pilersaarummi ersarissaassutigineqassasok kissaatigineqarpoq.

### **Bilag**

Kommunitut pilersaarummut tapiliussamut 1C30-4, Tuujuk, siunnersuut

## Kommunimut pilersaarummut tapiliussamut siunnersuut 1C30-4 Tuujuk, Nuuk

Aalajangiiffigisassaq

SagsID.: EMN-2021-17205

Sanarfinermut Avatangiisinullu Ingerlatsivik, pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1C30-4 Tuujuk, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C30-4 Tuujuk, Nuuk, matumuuna saqqummiunneqarpoq.

Pilersaaruserfigineqartoq 7,2 ha.-it missiliorlugit annertussuseqarpoq Nuup qiterpasittortaani inissisimalluni Tuujuullu annersaa tassaniippoq, immikkoortumi Aqqusinersuup aamma Kongevejip akornanni. Immikkoortoq ullumikkut annerusumik inissianut siunertanut atorneqarpoq taakkulu ullumikkut pisoqalisunik inissiarqarput, kiisalu Ceresvej kujammut sinerlugu inissianik nutaanik. Kujammut kimmuut teqqequani Hans Egedep oqaluffiata ataani illoqarfimmi iliveqarfik ippoq. Immikkoortumi Kirkeveji kitaani Brugseneeraq ippoq.

Immikkoortup ilaa ataatsimoorussanut siunertaqartunut qitiusumik immikkoortussamut atugassanngortinneqarpoq, aamma immikkuualuttut A aamma B isateriffigineqarsinnaalerpoq inissiaareersut pisoqqat isaterneqarnissaannut immikkoortullu inissianik eqimasunik pukkitsunik quleriaanillu inissialiorfigineqarnissaanut.

Pilersaarummut tapiliussassatut siunnersuummi matumani sanaartorfissat qulingiluat immikkoortinneqarput.

Sanaartorfissat A1-A9 pisortat inissialiornerannut atorneqassaaq.

Sanaartorfissaq A1-A9 Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermit peqatigiiffiusunik atorneqarsinnaavoq siunertanut pisortatigoortumik atugassatut.

Sanaartorfissaq 10 pisiniarfiup pioreersup allilerneqarnissaanut atorneqassaaq. Illumi allermi pisiniarfeqarlunilu inuussutissarsiuqartoqarsinnaavoq quleriinnilu qulaaniittuni inissiaqarsinnaavoq.

Immikkoortumi nutaamik sanaartornermi quleriit 2-4 angullugit portutigisumik illuliorqarsinnaavoq.

Sanaartukkat nutaat blokkitut takisuutut/illugiissutut imaluunniit sanileriaatut uigulukuttutut aamma sivingasunik qalialittut sananeqassapput. Takisuujuneri kipiniarlugulusooq illut silataatigut aniinganeqartinneqassapput, aniinganertaasa atortui allaanerutinneqassapput imaluunniit ammukaartunik igalaaqartinneqassapput.

Inissialiat assigiinngiaartut aamma angissutsimikkut periarfissinneqarput, inissianut immikkoortup assigiinngiaarnissaanik aamma inunnut assigiinngitsunik ukiulinnut pilerinartuunissaanik kiisalu innuttaasut assigiinngiaartumik katitigaanissaanik qulakkeerinnittumik

Inissianut nutaanut atatillugu silamiiffissat pitsaasuunissat qulakkeerneqassaaq. Sanaartukkat nutaat eqimattanngorlugit silataanni ataatsimut uninngaarfigisinnaasaannik peqartinneqassapput, najugaqatigiinnermut peqataanissamut tikilluaqqusisunik aamma najugaqatigiit akornanni attaveqatigiilersitsisunik. Inissiaqarfiit silatai uninngaarfeqartinneqassapput, anorimut asseqqasunik

aamma seqinermut sammitinneqartunik, naasoqarlunilu pinnguarfeqarlunilu sammisassaqarfigineqarsinnaasumik, kiisalu sikkilinit inissiiffissaqartunik.

Immikkoortoq napillugu, Tuujuup aqputaa kusserngalu sinerlugit, pilersaarutaavoq tamanna qaffanneqassasoq sukisaarsarfiusinnaasorlu pioreersoq annertusitinneqarnissaa, immikkoortumut tamarmut qorsuttaqarfinngortinneqartumik. Kussineq sukisaarsarfiup ilaatut iluarsineqassaaq tamassuma nammineq pissusaa aamma sanarfineqarneratigut aamma ingerlaarfiit qulineqassapput ujaralersorneqarlutillu ingerlaarfissanik, illoqarfiullu ilaa eqqaaniittoq assigiinngisitaartunik naasoqartinneqassaaq.

Immikkuualuttup ilaani A-mi biilinit uninngasarfissat inissianut nutaanut atasumik pilersinneqartassapput, sumiiffinni silataani ataatsimoorfigineqarsinnaasut avataanni, imaluunniit illumut atatillugit. Kommunitum pilersaarummi biilinit inissiiviit pillugit najoqqutassat atuuttut naapertorlugit immikkoortumi biilinit uninngatitsivinnik pilersitsisoqassaaq. Inissiaqarfinnut aqput aqqusineqqatigut aqquserngillu sinerlugit pissaq, kiisalu qorsuttaqarfinnut atatillugu sukisaarsarfiusumit.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

Kommunitum pilersaarummut tapiliussassatut siunnersuutip 1C30-4-p akuerineqarneratigut immikkoortumut kommunitum pilersaarummut massakut tapiliutaasumi 1C30-2, 1C30-3 aamma 1C34-1 kiisalu 1C5-1 atorunnaarsinneqarput.

### **Ingerlatsivimmit aningaasatigut sulisoqarnikkullu naliliinerit**

Kommunitum pilersaarummut tapiliussamik suliaqarneq aningaasaqarnikkut kinguneqassanngilaq.

### **Suliffeqarfinnut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataitallit**

- Pilersaarusiorneq aamma nunaminertat atorineqarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunitum pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukut aalajangiinerit**

*Sanarfinnermut Avatangiiisnullu Ataatsimiititaq, 13.01.22:*

Inassuteqaat akuersissutigineqarpoq.

### **Ilanngussaq**

1. Kommunitum pilersaarummut tapiliussamut 1C30-4, Tuujuk, siunnersuut

## **Punkt 13: Sanaartornermut aningaasaliissutiniit sanaartornermut aningaasaliissutinut allanut nuussineq**

### **Beslutning**

Inassuteqaat akuersissutigineqarpoq, imatut ilassuteqaatitalerlugu: Sanaartorfigissaanermut Nukissiorfiup akisussaaffigisartagaannut (erngup innaallagissallu aqqutissaat) tunngatillugu akisussaaffik Kommunimut tamakkiisumik tunniunneqartassanngitsoq alajangiusimaannarneqarpoq, siunissarlu eqqarsaatigalugu Nuummi sanaartorfigissaaneq pillugu Kommeqarfik Sermersooq aammalu Namminersorlutik Oqartussat akornanni oqaloqatigiinnerit (dialog) ingerlanneqarnissaat isumaqatigiissutigineqarluni.

### **Bilag**

Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfillu attaveqatigiinneq

Missingersuutit A-t

Namminersornerullutik Oqartussat aamma kommunit akornanni sanaartorfissagissaaneq pillugu isumaqatigiissutaat 1998-imeersoq

Nukissiorfiit ukioq kaajallallugu imermut aqqutit pillugit innersuussutaa



## **Sanaartornermut aningaasaliissutiniit sanaartornermut aningaasaliissutinut allanut nuussineq**

Sanaartorfissagissaanermut aningaasaliissutit sanaartorfissagissaanissamut pilersaarummut aalajangersimasumut allanngortinnerat pillugu akuersissuteqarneq

Aalajangiiffigisassaq

SagsID.: ANL-2022-00006

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- aningaasaliissutaasunit sinneruttut 1.600.000 koruunit sanaartornermut aningaasaliissutiniit pilersaarutitut ima normulimmiit 0701034009 »Attaveqaatinut sanaartorfissagissaanermullu aningaasaliissutit« sanaartornermut aningaasaliissutinut uunga »Sanaartorfissagissaaneq, immikkoortoq 2B2« kingorna 21.150.000 koruuninik katillugit aningaasaliissutitaqartunut nuussineq akuersissutigineqassasoq
- suliariumannittussarsiuussinermi neqeroortitsisoq appasinnerpaaq allaffeqarfimmit akuerineqassasoq taavalu pingaarnertut imermik pilersuivissap nammineq atugassap pilersinnissaanut kommune suliarinnissinnaappat suliarinneqqusaappallu aningaasartuuteqarlunilu sanaartorfissagissaanermut suliassaq aallartissagaa akuersissutigineqassasoq

### **Suliamik saqqummiussineq**

Nuummi nunaminertanik sanaartorfissagissaasarneq ajornartorsiutinngoriartorpoq. Imermik pilersuineq pillugu Inatsisartut peqqussutaat nr. 10, 19. november 2007-imeersumi § 3 malillugu allaqqavoq illoqarfinni aamma nunaqarfinni imermik pilersuineq pillugu pilersaarusionerq nuna tamakkerlugu Nukissiorfiit suliassarigaat.

Namminersornerullutik Oqartussat kommunillu akornanni Sanaartorfissagissaanermut isumaqatigiissutaani atuuttumi 1998-imeersumi allaqqavoq sanaartorfissagissaanermi aqqusineq, kuuffissuaq, imeq, innaallagiaq, ungasissumiit kiassarneq aamma telekabelit ilaatinneqartut. Sanaartorfigissaaneq aamma nunap sananeqaataanik nalimmassaanermik ilaqarsinnaasarpoq. Sanaartorfigissaanermut pingaarnertut ledninginut atassusiinerit (stikledningit) aamma inuit namminneq biilliisa uninngasarfii ilaaneq ajorput.

Nukissiorfiit sanaartornermut pilersaarutaat nalinginnaasumik Namminersorlutik Oqartussat aningaasaliissutigisarpaat, taamaattumik Nukissiorfiit ima inisseriataarsinnaapput kissaatigineqartut kommunit ilaannit akuerineqanngitsoorlutik. Kommunip sanaartorfissagissaanermut pilersaarutaasa aamma Nukissiorfiit aningaasaliissutigut pingaarnersuinerisa akornanni missingersuutitigut pitsaaneruseq ataqatigiissaarinissaq anguniarlugu Nunalerinermut, Imminut Pilersornermut, Nukissiuutinut aamma Avatangiisinut Naalakkersuisoqarfik saaffiginnissutigineqarpoq.

Nukissiorfiit sumiiffimmut pilersaarummi 2B2-mi, immikkoortup ilaa B, imermut attavilersuippat, taannalu umiarsualivimmi nunaminertat tungaannut aqquserngit kitaatungaanni imermut pingaarnertut attaveqarfiuvoq. Kommunittaaq imermut aqqut malillugu kuuffissualliorpoq.

Immikkoortup ilaani B-mi sanaartorfissat 13-it akornanni sanaartorfissat arfineq-pingasut aqquserngup kangiatungaaniipput. Sanaartorfissagissaanissamut pilersaarut una suliarineqanngippat sanaartorfissani illuliassat imermut kuuffissuarmullu attavilerniarpata aqquserngup aqqusineeqqallu illuatigut attavilertariaqassapput. Allatut oqaatigalugu aqqusineq ikinnerpaamik arfineq-pingasoriarlugu assanneqartariaqartassaaq sanatitsisunullu ataasiakkaanut akisungaatsiassaaq taavalu umiarsualiviliartunut umiarsualivimmiillu angallattunut akornutaassalluni.

Suliariumannittussarsiuussinermiit pingaarnertut pilersaarutaasoq ilaatigut tassaavoq, sanaartorfissat arfineq-pingasut pilersornissaannut pingaarnertut imermut aqqusiornikkut pingaarnertut sanaartorfissagissaasoqassasoq. Taamaammat pilersaarutiginartoq malillugu pisariunngitsumik ledningiliinissamut aqqusineq marloriaannarlugu suliaqarfiussaaq.

Qularnaarinarluta Nukissiorfiit nalinginnaasumik sanaartorfissagissaanermut ilassutitut suliarisartagaa kommunimit aningaasartuutiginEQarsinnaanersoq erseqqissaatigiumallugu KS-ip Namminersorlutik Oqartussat attavigivai. Sanaartorfissagissaanissamut suliaqarfiussaaq sanasumit suliarineqarnissaanut piffissaliussaq sioqqullugu inatsisinut tunngasut qulaajarneqareersimassasut kommunimit naatsorsuutiginEQarpoq.

Qanorluunniit pisoqaraluarpat ilassutaa kommunimut utertussaavoq ilaatigut nunaminertanik atuisussaataasut ataasiakkaat sanaartorfissagissaanermut akileeqqusissuteqarnerisigut.

2B2 ulloq 07.12.2021-mi suliariumannittussarsiuullugu Siorarsiorfik – Nuuk City Development A/S-imit sanaartorfissagissarneqarnissaanut neqeroortitsissutiginEQaqqammerpoq.

ErseqqissaatiginEQassaaq tamakkiisumik suliariumallugu neqeroortitsissutit sisamat tiginEQarmata. Neqeroortitsissut appasinnerpaajusoq 15,8 mio. koruuniuvoq qaffasinnerpaarluni 20,7 mio. koruuniulluni. Missingersuusiat A-t katillugit, tassa suliarineqarnera, isumaqatiginninniarnEQ iluarsinerillu kingorna 21,3 mio. koruuninik amerlassuseqarput, tabeli tullinnguuttoq takuuk.

Tabel 1: Missingersuusiat A-t katillugit

Arti	Aningaasat mio. kr.-inngorlugit.
Sanaartornermut suliaqartut iluarsineri, naatsorsuutiginngisat tamaasa ilanngullugit	17,3
Pilersaarusiorneq, sanaartorneq aamma nakkutilliineq	0,7
Sanatitsisumit tunniussineq aamma pilersaarummik nalimmassaaneq ilanngaattit ilanngaatigereerlugit	3,3
<i>Missingersuusiat A-t katillugit tamaasa</i>	<i>21,3</i>

Malugineqarpoq sanasup neqeroorutiminik tunniussinissaanut piffissaliussaq ullut suliffiit 20-nut killeqartoq matumani AP 95 §3, Imm. 5 naapertorlugi, taamaammat suliamik saqqummiussami matumani pissutsit taakkartorneqartut pillugit aalajangiisoqarnissaata tungaanut sanasumit appasinnerpaamik neqeroorutiortup neqeroorutiginEQartup tunniunnissaanut piffissaliussamik sivitsuineq akuerineqassasoq siunertaralugu Sanarfinermut Avatangiisinullu Ingerlatsiviup Siorarsiorfik – Nuuk City Development A/S attaveqarfigaa.



### **Ingerlatsivimmit aningaasatigut sulisoqarnikkullu naliliinerit**

Aningaasaliissutit allanngortinneqarneri akuerineqassasut innersuussutigineqarpoq. Akerlianik pisoqassappat suliariumannittussarsiuussineq taamaatiinnassaaq kingornalu appasinnerusumik imaluunniit pitsaaneruseqarneri neqeroortoqarnissaa naatsorsuutigineqarsinnaanngilaq.

Qeqertani Inuusutissarsiuuteqarfiup 2B2-5-ip sanaartorfissagissarneqarnera taamaatiinnarneqassappat, suliffeqarfiit pilersaarutaat ingerlasut sanaartorneriluunniit unittuunngikkunik taamatiinnarneqassapput. Tamanna inuusutissarsiuuteqartunut innuttaasunullu malunnaatilimmik kinguneqartussaavoq, soorluttaaq pilersaarutaasumik sulinerit ingerlanneqarneranit akileraarutitigut isertitassaralugit kommunimit annaaneqassasut.

Sanaartorfissagissaanermut aningaasartuutit katillugit 21 mio. koruunini aqquserngup kangiata tungaani imermut immikkut ledningiliinissamut pingaarnertut sanaartorfissagissaaneq 6,4 mio. koruuneqassaaq. Nukissiorfiit ukioq kaajallallugu erngup aqqutai pillugit peqqussusiaani aamma Sanaartorfissagissaanissamut Namminersornerullutik Oqartussat kommunillu akornanni 1998-imi isumaqatigiissutaanni takuneqarsinnaavoq, Nukissiorfiit suliassamut aningaasanik immikoortitsisimanngippat sanaartorfissagissaanissamut aningaasartuutit kommunimit isumagineqarsinnaasut, taavalu kingorna nunaminertanik atuinermut piginnittut ataasiakkat akileeqquneqassallutik. Malittarisassamut tunngatillugu apeqqut immikkut Nunalerinermut, Imminut Pilersornermut, Nukissiuutinut aamma Avatangiisinut Naalakkersuisoqarfimmut apeqqutigineqarnikuvoq.

Siusinnerpaamik ukiut tallimat arfineq marlullu qaangiuppata sanaartorfissat tamaasa atulereersimassagaat naatsorsuutigineqarpoq tamatumalu nalaani sanaartorfissagissaanermut aningaasartuutit tamarmik matussuserersimassasut naatsorsuutigineqarluni.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit naliliititsisoqanngilaq pineqartoq kommunip missingersuutaaneereermat.

### **Inatsisitigut tunngavissaq allakkallu tunngaviusumik uppersaartitallit**

- Namminersornerullutik Oqartussat aamma kommunit akornanni sanaartorfissagissaanermut isumaqatigiissutaat 1998-imeersoq
- Ukioq kaajallallugu erngup aqqutai pillugit Nukissiorfiit peqqussusiaat
- Imerkik pilersuineq pillugu Inatsisartut peqqussutaat nr. 10, 19. november 2007-imeersoq

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq, 13.01.22:*

Inassuteqaat akuersissutigineqarpoq ima oqaasertalerlugu:

Inatsisinut tunngasut qulaajarneqareerpata sanaartorneq aatsaat aallartisarneqarsinnaassaaq.

### **Ilanngussaq**

1. Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfimmut attaveqatigiinneq
2. Missingersuutit A-t
3. Namminersornerullutik Oqartussat aamma kommunit akornanni sanaartorfissagissaaneq pillugu isumaqatigiissutaat 1998-imeersoq
4. Nukissiorfiit ukioq kaajallallugu imermut aqqutit pillugit innersuussutaa

**Punkt .: Lukket**

## **Punkt 14: Lukket**

## **Punkt 15: Lukket**

## **Punkt 16: Lukket**

## **Punkt 17: Lukket**

## **Punkt 18: Lukket**

## **Punkt .: Tamalaat**

### **Beslutning**

Charlotte Ludvigsen (IA): Paamiunut angalanissamut mut tunngatillugu piffissaq ataatsimiititami ilaasortat attaveqaqatigiikkumaarput.

Inga Dora G. Markussen (S): Siusinaartumik utoqqalinersiutilinnut sullissineq pillugu oqaaseqarpoq. Whistleblower pillugu periarfissaq atorluarneqarnerisq apequteqaateqarpoq. Intranet-mut qinikkatut isersinnaanermut tunngatillugu apeqquteqaateqarpoq.

Dorthe-Marie Mogensen-Fontain (S): Paamiuni inissiat pillugu oqaaseqarpoq. Ini A/S-p ininik tunioraajunnaarnera innuttaasunik nammagittaalliutigineqartoq oqaatigaa, arlaannillu aaqqissuteqartoqarsinnaanersq ujartorpaa.

**Punkt .: Imaqarniliap akuerineqarnera**